

良鄉縣志

子勳署登

良鄉縣志序

邑之有志由來已古所以爲行政者藉手之資也良屬京畿近邑風俗醇良其得嘉名者以此至邑之有志創之者爲明嘉靖年間安公守魯續修者爲前清康熙年間李公慶祖楊公嗣奇至光緒己丑范公履福又復重修然年代變更日新月異迄於今又三十餘年矣中間政治沿革時俗變遷不能不有所出入余下車伊始卽擬續而纂之適境內遘兵未果迨事平後乃邀邑中各士紳從事於此主纂者爲呂君植見君之深副之者爲吳君士傑游君從仕魏君士儒吳君士英呂君蘊華越八月而告成余詳加攷訂見綱舉目張有條不紊乃重歎爲良史才也諸君復請敘以弁首余雖不文然幸繼安李楊范四公之餘業附諸君子之末光有榮耀焉故不辭而爲之序

中華民國十三年季春月知良鄉縣事周志中撰

良鄉縣舊志序

前明翰林

郭秉聰

良鄉畿輔首縣志久闕至止者慨焉豈以路當要衝使軫旁午疲於賓餞無暇及此耶黔南安侯履任二載政通人和百廢俱興謂志之係於邑也甚重乃銳意創修請鄉大夫箕蜂楊公博取羣書旁詢故老爲之蒐羅幽逸凡有關於政教者攬錄罔遺彪分臚列纂次成編一切撰述楊君獨任其責越三月告成而侯復加校閱裁正焉果足以信今傳後矣乃謀梓鋟屬予爲序夫古者地里有圖有誌蓋周官職方氏與小史外史所序而道以詔王者非徒飭吏事廣見聞已也良鄉隸順天府其邑之山川田賦宦迹民風與夫人材物產載在一統誌邑誌若可無者然一統誌天下之書也其法略邑誌一方之書也其法詳猶史家之有本紀以舉其綱必有列傳以張其目也况良於甸服在一同而內者乎故吏斯土者觀山川則知地形之險易觀田賦則知公歛之厚薄觀宦迹則知吏治之得失觀民風則知習俗之醇漓觀人材則知世運之升降觀物產則知民需之豐嗇考據既真籌畫斯允因時敷政通變宜民而生斯地者觀感興起咸有所資焉其爲治化之助豈小補哉侯又奉當事建議承

良鄉縣志

舊序

檄修邑城告竣在邇畿南永賴皆曠舉也而誌適成可並垂不朽矣侯名守魯字汝確號文崖黔南人壬子經元楊君名守正字汝靜興州中屯衛人以明經尹固城誌凡六卷是爲序

舊志序後概不紀年令閱者茫然殊不可解以後二序考之此序當在前明嘉靖三十九年歲次戊午良邑有志此其權輿也台山郝錫疇識

良鄉縣舊志序

康熙十二年  
癸丑知縣

李慶祖

維王建國辨方正位體國經野設官分職以爲民極乃立職方氏以掌天下之圖書殆文獻之昉乎推而至於郡縣莫不有志然而膺斯任者非具上下古今之識不足以談天下之事是故不鑒已往無以知來不觀已著無以察微則網羅舊文摭拾故典非謂矜博雅實以經世務也夫天地之氣運風俗方域之鍾靈毓秀以至紀綱法度祀典賓興財賦兵戎偶舉一事而事之本末因革未能燭照數計亦何以布政宜民垂庥光而昭後世耶余自辛亥春承乏茲土撫失業之殘黎整首衝之罷敝弭嘯聚於未萌起衰頹於既往又何敢拮据之不早綢繆之不豫哉今日者歲序粗稔人才奮興不揣固陋欲急蒐邑志以悉人物風俗之勝徒得之父老傳聞被厄秦火者久矣忽蒙憲檄恭遇聖天子嘉納端揆之建白勅集通誌以備一代之興事固盛舉促應實難幾煩搜訪一日得之邑紳侍御張君張君以渾金璞玉之資抱博古通今之學出家藏秘本爲君胞兄斥邱尹所夙構者舊志距今一百一十五年矣時移事變百餘年之行事未續雖舊冊僅存與無冊同爰開誌館以纂修之事託重張君復

良鄉縣志

舊序

延茂才數人佐之仰察象緯俯覽山川中極人事綜據六經博採史傳禮耆耄而諮詢式遺賢而訪問百有餘年之事燦若懸瓌而百餘年以前之事亦因之以傳但披覽往帙有止詳故實不載論議者悉增之有宜於往昔不切今茲者悉刪之斟酌必期於當校讎必極其精余又從而論定焉綜其大旨參其未備釐其所不急俾其志圖說也謹而確原隲在望衡紀垂芒無忘小民之依感召之理焉其志田賦也典而法田分三則賦分三則期不失先王什一取民之制焉其志人物也立意嚴而存心恕不因所喜而飾之不因所惡而掩之其志藝文也慎而有體有關於經濟有堪爲儀型者方取焉其建置與官師可志也可大可久勲業在一時功德在奕世千載之松楸百年之俎豆視之如一日焉後之人考憲典而敷政教式前烈而惠下民胥賴是也志之關於治道不甚鉅歟夫統立其綱而次之有序復晰其目而論之有端按圖索意仰副德心其於聖王體國經野設官分職之意亦可以稱塞於萬一矣余何敢以固陋自諉哉

良鄉縣舊志序

康熙四十年  
辛巳知縣 楊嗣奇

方今皇上命翰林儒臣纂修大清一統志樂觀厥成用以黼黻太平輝煌治道甚鉅典也凡在百爾臣工何幸躬逢其盛普天率土自當鼓吹休明拜揚聖德乃嗣奇以疎逖小臣於庚辰春仲謬膺簡書司牧良邑甫受事即欲得本縣邑乘考稽我朝歷任是邑循良著績者爲法不意蒐求後僅得寫冊三本係前令李公慶祖與邑柱史張公諱璟者重修之書反覆披閱但見字多魚魯殘缺未備爲康熙癸丑歲所構造夫自癸丑距辛巳將及三十載其間官師之去留士民之習尚土田賦役之規制不知幾經變易矣顧今闕略未補他日太史採風邑屬畿南首善將何以憑籍仰副聖天子稽古右文之盛治乎不幾辱朝廷而羞縉紳耶爰謀諸學博李君維翰二尹孔君衍杰暨邑貢士見聖庠廩生陳玘唐美中且俾鄉耆里老訪輯四境軼事有關政教風化者添入簡末相與參互考訂訛者正之繁者芟之缺者補之更不吝捐俸助資繕寫四本用付剞劂裝訂成書以便觀覽即未必功同信史庶幾一邑文獻頗有足徵竊附績貂前人之意云耳敢謂職任衝罷小邑勤勞王事救過不遑修辭著書

良鄉縣志

舊序

非不敏之責也哉遂援不律而爲序

重修良鄉縣志序

光緒七年 知縣陳崑

良邑東接宛平南鄰涿鹿西與北毘連房山廣袤相準方僅四十里其山燎石岡一培塿也其水廣陽河一衣帶也其俗樸素其民彫劫然近畿各縣號繁劇者獨以良鄉稱首誠以密邇國門拱衛神皋東南十三省有事京師者無不取道於斯冠蓋之送迎邸舍之供頓文移郵遞之分逕進奏飛騎之交馳方物入貢晝夜之護持餉車轉運遠邇之巡警轟隱旁午徵呼絡繹小民拮据供役日不暇給兼之境內土田多隸旗莊畎澮隱沒佃租膠轕爭訟不已趾錯於門官斯土者措置一有不當謠詠決裂每至不可收拾以故前人創修縣志垂法後來意甚厚也乃自康熙癸丑辛巳兩次修補迄今百八十年無鍜本方今國家中興百廢具舉大府輯修畿輔通志分飭屬邑各修志乘以備采擇庚辰冬月<sup>崑</sup>權攝斯邑下車伊始卽事搜羅舊稿僅存焉烏譌舛文獻無徵傳聞互異欲摭摭案牘則自道光壬辰河伯告災斷爛無一存者爰爲倡捐開館延司鐸郝君壽田暨游君雪門薛君召棠秉筆編訂復屬紳耆徐君南村諸君子佐之<sup>崑</sup>治事之餘參觀校閱稽核舊志博訪遺佚遠旣無徵姑從闕略

良鄉縣志

舊序

近而可信必致周詳義取臚新例兼述舊凡六越月而告成然後一邑之典章規制燦然可觀焉夫時移事殊今昔不同仍舊貫者知成憲之當遵隸新章者知改絃之有自由是稽田賦察戶口利弊所在若判黑白庶幾彫劫可復繁劇可治爾後之君子隨時增葺勿復如前日之廢墜是則<sup>崑</sup>所厚望也夫

良鄉縣舊志序

光緒十五年 知縣范履福

郡縣之有圖志尚矣古之爲政者必先采其風謠相其土宜經理其山川考正其貢賦與辨夫人才之升降鄉俗之醇漓然後因地布化隨俗致理得以有所藉手自職方氏掌天下之圖而圖經始見班孟堅載地理之志而志書始行志固史之類也故修史之難無出於志昔江文通嘗言之矣良鄉古屬幽州於天文爲箕尾分野置縣始於西漢以其人物俱良故名國朝因之邑城土垣而固地當輦轂孔道徵發供億騷然起視四封長短截補僅四十里然北拱都城南控涿鹿東縈瀑水西擁房山西山之雲氣奇峯皆得以延之揖之則殊標形勝也民風夙稱樸茂稽戶口蓋萬六千有奇以今較昔爲遠不逮大抵土田糧賦之變易郵政徭役之衝繁有以致之歟俗瘠則施教難秀良子弟或亦銳志磋磨而不以學業爲急務者所在多有科名之未竟暢遂職此故耳此皆考舊志而可知其畧者也舊志始於康熙癸丑歲爲前令李公慶祖所構造迨庚辰歲爲前令楊公嗣奇所刊成迄今一百數十年矣其間官師更替政治沿革時事民情大殊疇昔不知凡幾而志書缺然後有來者將何以按圖

良鄉縣志

舊序

考索而知通變措置之大用耶然則慨往籍之謬悠睇世代之綿邈遺文令緒表章修明非鄉邦士大夫之責而誰責耶鄉邦士大夫未遑修而舉之非官斯土者之責而誰責歟余自承乏茲邑下車後與邑中諸耆秀相商確首稽志事夫志記也土心也土有是心而弗能達之遠且久者非志也見諸行事措諸庶民可以示當世而垂後來用昭余爲士之時心已若此故曰志爰於戊子歲敦禮黃君古腴相與屬稿每卽舊志中取與詳核而文古雅尙合於史法者存之舊所未備而續經採訪者補之其待興創革除不能猝致則詳誌其利弊而以次圖之至徵文考獻有關掌故尤必爲之慎重而周詳亦謂志與史相表裏不容稍有私意爲愛憎也余與邑士大夫常兢兢焉閱六月編成余復詳加考訂綱舉目張瞭然秩然此則矢公矢慎之心可以共白者也若夫宣天家之盛德撫我黎民固縣令責也事不外教養兩端而因地布化隨俗致理其曲盡夫教養之故以求洽於民而止余不敏蓋披覽圖志而益不敢不勉也已爲序

良鄉縣舊志凡例

邑人張璟

由今距舊志創藁百有餘年中更治亂繼以鼎新河山邈然風物蔚起凡民材吏治必將有自困而亨自剝而復以應國家之三階平百度貞者削簡珥筆謹疏條綱目以俟煒煌之書使天下之視畿南彈丸若攝提一星之迴指孟陬也非僅一邑之掌故已也

一前代安邑侯嘉與吾邑披草萊而琬琰之箕峰楊君以邑之子羽克協德心共襄厥美兩君子意良厚尸之俎之勿讓宜矣惟是編從草創意取亟成不無有望於踵事而百易寒暑作者闋焉兼以祝融闕伯實相吾邑取劖劘之故而燬焉靡遺舍舊謀新曷容以己

一事有權輿物有本始志之舊本家孟加意諮訪博爲蒐求乙未入長安得之於方城之友丁未從簿領之隙稍爲更張條紀以當單父之促柱河陽之蒔花然而摛辭傳義則謙讓未遑且兢兢闕文述先待後其慎且難者原以俟之大雅君子是誌也謀之數年而竣於一旦全賴我 父母鐵嶺李侯繪塑丹鉛黼黻鑒定用集

良鄉縣志

凡例

厥成

一網之數十目之數六十有六維王建國經野夏之貢周之職方輿地之自昉也乃召司空迺召司徒必建置具斯戶口土田賦役隸焉然後治之以官師而人材之淑慝旌別焉其次設教以神其次阜財以物存衛制鑿廢興也書舊例備攷究也紀災祥惕修悖也于是乎受之以賁則藝文終之目之說散見於綱者茲不具述一官師之名宦人材之鄉賢一書之裘領也惟我邦之人好惡也慎取舍也嚴無匿瑕無遺美故茲所登者疑信不敢並傳餘以聽後之論定者

一古之圖與書也合今之圖與書也分凡山川人物禮器古以圖合故精詳今以圖分故鹵莽史之年表皆圖類也未嘗離立於外也凡今之爲志者外圖於條目甚無謂茲獨內之先圖次星野焉

一邑莫重於民事曰戶口曰土田是二者之數又合之以賦役似複矣亦謂其重也宜詳

一舊志孝義綴於選舉之後茲改綴於鄉賢閭巷之善得先於士大夫古者尙德之



遺意歟抑曰三物賓興卽選舉之所自本焉爾

一藝文之於誌猶左右史之紀事必紀言也事取其實言蔚其華華而失實固敝矣實而無華是亦虎豹無文章與羊質等山川無雲霞與裸壤等耳荒墟之斷碣方外之窮碑摩挲洗削固宜有錦心繡口不容滅沒者所當與好古之士同懷蒐討以助炳烺之觀

一天道十年一小變卽如科名之增秩官之易戶口賦役之損益德藝之日新見聞之日廣皆不容俟之數十年今日之事仰奉綸音彙修通誌公祖父母之事也過此以往可任其久而湮軼乎愚擬與同人約凡甲乙丙論升之日卽額輸坊匾銀四分之一以爲纂修之資庶幾文獻勿墜尙有典型

弁言

縣之有志猶國之有史也國有史則凡人才之廢興政治之得失世運之隆污於以共見而後爲治者足以取鑑焉縣有志則凡物產之盈虛風俗之厚薄生齒之登耗於以易明而後地方情形瞭如指掌足以爲發揚自治之基焉若是則志之所關者鉅矣吾良以蕞爾之區地不過數十里民不過萬餘戶而且土地平坦無曠產水利可言居民以務農爲業又皆泥守舊法而不知所變通地利不興民貧滋甚瘠苦若此似乎無可記錄者然而十步之內必有芳草十室之邑必有忠信面積雖小其中豈無翹然傑出足以光簡冊而示來茲者乎且地有美利而嘗焉無所知人有節義殊行而闕焉無所表於後亦邑人士之恥也獨是志之失修三十年於此矣十年來曾有人提議及之卒以籌款艱難而止前任劉縣長孟純現任周縣長華萱均以修志爲當務之急且各捐廉以爲之倡而邑紳閭筱亭王壽彭尹子珍復捐資以助之客冬由勸學所約集同志籌議進行而得一簡易之法其法則以事求實際款不虛糜爲主旨不設機關不定豫算任事者純盡義務惟以所集之款充紙筆印刷之費閱數月遂告成功特末學淺陋紕繆殊多不過綿將墜之緒已爾至於抉摘奧要敷揚菁華聊以俟博雅之君子

中華民國十三年春月修志同人謹識

民國十三年續修良鄉縣志人名

督修 良鄉縣知事周志中

總纂修 邑人呂植

總纂修 邑人見之深

分纂修 邑人吳士傑

分纂修 邑人游從仕

分纂修 邑人魏士儒

分纂修 邑人吳士英

分纂修 邑人呂蘊華

校對 邑人張蔭堂

校對 邑人閻從仁

校對 邑人翁鑑

校對 邑人翁鑛

良鄉縣志

人名

校對 邑人謨爾根保

校對 邑人宋景賢

籌辦 邑人呂聯起

籌辦 邑人李玉田

籌辦 邑人蘇信

籌辦 陸震

籌辦 潘棧

籌辦 邑人孫寶善

籌辦 牛敬垚

籌辦 王堃

籌辦 高承熙

籌辦 李惠霖

籌辦 李贊清

良鄉縣志

人名

二

籌辦

王志源

採訪

邑人張澍

採訪

邑人張鐸

採訪

邑人張乃安

採訪

邑人張湘

採訪

邑人謨爾根保

採訪

邑人白國順

採訪

霸縣王永中

採訪

邑人秦永年

採訪

邑人宋文榮

採訪

邑人李維新

採訪

邑人黃葆昌

採訪

邑人蕭萬亨

採訪

邑人游從仕

採訪

邑人游從恂

採訪

邑人姜廣澤

採訪

邑人盧佐元

採訪

邑人李國翰

採訪

邑人劉翰元

採訪

邑人張鈞

採訪

邑人王鶴年

採訪

邑人苑國瑞

採訪

邑人左觀瀛

採訪

邑人左登瀛

採訪

邑人杜永祥

採訪

邑人李得山

良鄉縣志

人名

三

採訪

邑人劉錫恩

採訪

邑人馬登科

採訪

邑人蘇麟祥

採訪

邑人李玉珂

採訪

邑人王朝愷

採訪

邑人閻書珍

採訪

邑人畢福齡

採訪

邑人薄元仕

採訪

邑人王啓光

採訪

邑人畢維翰

採訪

邑人寇文魁

採訪

邑人趙楨

採訪

邑人李成蹊

採訪

邑人閻從義

採訪

邑人張耀辰

繪圖

邑人趙權

繪圖

邑人張家理

繪圖

邑人魏文治

繪圖

邑人孟憲斌

司書

邑人張鈺

## 良鄉縣志

凡例

一舊志於清光緒十五年經邑侯陳公午橋范公六吉督修書成付梓未印多部嗣經兵燹板已無存而書之留於本邑者無幾民國以來王南生劉孟純二縣長俱有志而未逮華萱周縣長蒞任卽深慮其廢失則一邑之文獻無徵爰謀諸士紳補輯舊志正訛訂誤以資排印用廣流傳

一舊志條分八卷曰輿地曰建置曰賦役曰官師曰人物曰紀幽曰物產曰藝文綱舉目張今仍之

一舊志仿阮文達公重修廣東志例敬錄宸翰以冠卷首今國步旣改自宜移入藝文志以歸一律

一古人圖史並著亦謂按索有憑山川疆域經輪廣袤不啻身履目覩圖之繫乎志甚重也舊志各圖僅舉大概間有疏略今就測繪家詳細合境全圖更正之餘亦悉爲確訪標識名目以便觀覽

## 良鄉縣志

凡例

一新政各門例宜備載惟事無專司採訪未及除議會學警鐵路商務列入外餘悉從略以待將來

一生人不立傳雖文章事業足以傳世而一息尙存所以自勵者何限古人蓋棺論定其義嚴而可畏也故不敢阿所好而筆於書

一凡正途出身者其職銜附於某人之後餘悉歸入文武衆途

一閨幃苦節風勵綱常例得旌揚而窮檐之淹沒者正復不少是編凡採訪所及靡不畢登非敢濫入亦善善從長之意惟先後陸續編入年月序次不及詳考識者諒之

一藝文志內備極採訪仍恐遺失然必有關於世道人心或有關於地方事蹟者方爲錄入餘概從略

一是編雖爲補輯而棄取之下不能悉當鄙陋之譏所不敢辭深望有識者以補其缺焉

良鄉縣志目錄

第一卷

輿地志

地圖 星圖 疆域 沿革 山川 風俗 城池 屯里 村莊 八區

鐵路 古蹟 商市

第二卷

建置志

學宮 學校 魁樓 公署 議會 勸學所 警察所 倉場 塾堡

橋梁 坊表

第三卷

賦役志

戶口 田賦 附鹽引雜稅 經費 蠲免

第四卷

良鄉縣志

目錄

官師志

名宦 宰職 學職 掾屬 衛制 營汛

第五卷

人物志

鄉賢 忠烈 孝義 耆老 僑寓 選舉 進士舉貢表 封贈表 恩蔭

表 文職衆途表 武職衆途表 學校畢業生 列女

第六卷

紀幽志

壇壝 祠廟 招提 丘壟

第七卷

物產志

穀類 蔬類 菓類 瓜類 貨類 木類 藥類 花類 草類 獸類

禽類 鱗類 蟲類

第八卷

藝文志


書  
議  
傳  
記  
碑  
文  
序  
銘  
表  
詩

良鄉縣志

目錄


二









學宮圖



清 行 宮 圖



縣公署圖



良鄉縣志卷之一

輿地志

地圖 星野 疆域 沿革 山川 風俗 城池  
里屯 村莊 八區 古蹟 鐵路 市集

天先乎地猶之君先乎臣次星野於地圖何也曰法歸藏也何法乎歸藏從邑所隸而紀之也從邑所隸而紀之自今而古曰幽州自下而上曰析木是故先地而後天也坤輿奠定凡高高下下豈是散殊若網在綱矣

地圖見前

星野

以星土辨九州古保章氏職也用春秋十二國配十二辰班孟堅志地理詳哉言之吾邑於全燕微不啻黑子之著面將以析衡紀候機祥難矣雖然立國建都必起尋步不積微妙何成廣輪彼匹夫匹婦之誠尚足以動象緯矧一邑民社之善敗耶箕峯氏志曰體生於地精成於天政失於此謫見於彼若影響形聲然是以爲政者悟之而飭身正事思咎謝過則裁息而禍除自然之符也其說爲不可易

良鄉縣志

卷一輿地志 地圖 星野

一

矣

爾雅幽州爲析木之次

周禮註尾箕爲幽州

史記天官書尾箕幽州

春秋元命苞尾箕散爲幽分爲燕國


西漢地理志燕地尾箕分野

天文志析木津之次中臺之下下臺之上

輿地志上谷入尾一度

文獻通考自尾十度爲析木於辰在寅燕之分幽州又曰廣陽入箕九度

尾宿圖




魚

尾宿步天歌曰  
 九星如鉤蒼龍尾下頭五點號龜星尾上天江四橫是尾東一個  
 名傳說傳說東畔一魚子尾西一室是神宮所以列在后妃中

良鄉縣志  
 卷一輿地志 星野

糠

箕宿圖



箕宿步天歌曰  
 四星形狀如簸箕箕下三星  
 如木杵箕前一星是糠粃

疆域

志疆里之法通典舉四至元和郡縣志言八到至到為互文皆以表中境而廣輪  
 經緯亦灼然可見也我良以蕞爾之地為京兆首邑當九省通衢起視吾四封截  
 長補短僅四十里按圖而索廣袤畢舉矣

縣治在京兆西南七十里所轄境東西二十七里南北五十二里

東界宛平縣胡盧袋村十二里至縣治七十里

村係良  
宛分轄

西界房山縣開谷莊十五里至縣二十五里

南界涿州馮頭鎮四十里至州治七十里

北界房山縣公村十二里

東南界宛平縣劉家莊三十五里

西南界房山縣李家莊四十里

東北界宛平縣軍流莊十二里

西北界房山縣南茨尾村二十里

東北至京師廣安門五十五里

西南至保定府省會二百六十里

### 沿革

## 良鄉縣志

卷一輿地志 星野

三

昔之賢者或迴車於勝母或息軫於朝歌謂名實之不相遠也吾鄉以民物俱良得名而漢凡幾革幾沿而迄今仍厥始稱於以標首善偉矣

按禹貢良鄉縣爲冀州域

周職方屬幽州

春秋戰國時在燕爲中都

兩漢置良鄉縣以其人物俱良故名

東漢爲廣陽縣

晉屬范陽國

元魏屬涿郡

北齊天保七年省入薊縣西境卽今大興縣武平六年復置屬涿郡

隋開皇六年復屬幽州

唐聖歷元年改名固節神龍元年復爲良鄉縣

遼屬析津府



宋屬燕山府

金屬大興府

元屬大都路

明洪武元年八月隸北平府永樂元年改北平為順天府屬焉清仍名良鄉屬順天府道屬屢易順治年間屬霸州道康熙元年屬霸易道康熙八年屬霸昌道時八府增守道衙門以稽錢穀巡道衙門以稽驛站刑名等事

民國四年廢府制屬京兆尹治為特別行政區域

良房沿革表

朝代	良鄉	房山
漢	廣陽	良鄉
後漢	廣陽	良鄉
三國	廣陽	良鄉
晉	廣陽	良鄉

良鄉縣志

卷一輿地志 沿革

四

後趙	廣陽	良鄉
前燕	廣陽	良鄉
前秦	廣陽	良鄉
後燕	廣陽	良鄉
魏	廣陽	良鄉
北齊	省入薊縣西境	良鄉
周	薊縣西境	良鄉
隋	薊縣西境	良鄉
唐	改為良鄉東境	良鄉
五代梁	良鄉東境	良鄉
五代唐	良鄉移治今城	改為良鄉西境
遼	良鄉	良鄉西境
宋	良鄉	良鄉西境
金	良鄉	奉先

清	明	元
良鄉	良鄉	良鄉
房山	房山	房山

山川

邑之形勝北拱都城南控涿鹿東襟瀑水西擁房山西山之奇橫若陳雲截若堵墻盧溝泐左縈右拂凡所以雄天府壯神臯者邑皆得延之揖之然皆不隸於邑邑之山川則燎石岡琉璃等河沿眺稱異矣

燎石岡

在縣治東北里許南北孔道輪騎必出其下按金史作燎岡石皆赤色如燎故名平原廣陸忽涌堆阜石勢散落如雷驅霞駁蓋體幹以獨立標勝也上有多寶佛塔亦名塔岡

伏龍岡

良鄉縣志

卷一輿地志 山川

五

方輿紀要縣西十里伏龍岡形勢蜿蜒故名

琉璃河

縣治西南四十里金史作劉李河古有劉李二姓聚居於此故名卽水經注聖水也發源於房山縣龍泉峪南流至涿州境受挾活胡梁諸水而匯於巨馬河橋爲朝宗孔道四會輪蹄北望蘆溝雙虹對跨誠京南要隘也行船通保定天津商舶載百貨至此易煤春秋間帆檣鱗集舊志橋旁鐵柱莫考所用大略以鎮蛟螭川源沆漭固宜神族所都矣俯橋聽矚河聲觸梁逶迤而東大或鸞霆小或箏筑丹碧空行光影洞澈易劉李爲琉璃以形色相轉注耳 清宋敏求詳加考證以爲應名六里河元延祐置巡簡司河陽有明之離宮又曰燕谷店前清駐把總於此按酈道元爲北魏范陽人其水經註謂琉璃河爲古聖水范成大宋人有詠琉璃河詩則琉璃河之名古矣金史劉李河之名可不必從

永定河

金門闡附

源出山西馬邑縣卽桑乾河又名清泉河一名蘆溝河俗呼渾河古瀑水也清聖

祖仁皇帝周覽河道謂河流南趨保定與諸水會合勢不能容泛濫爲患始爲隄障之命巡撫于成龍等疏濬賜名永定河自宛平縣公議莊入縣東南境距城三十里南流經任家營壩上村達固安縣境近年河水屢決沿隄村莊俱成沙淤矣

### 金門關

寬五十六丈進深五丈石迎水簸箕內寬五十六丈外寬六十一丈四尺進深二丈石出水簸箕內寬五十六丈外寬六十七丈三尺進深九丈南北二壩臺各寬十二丈進深十六丈金墻高八尺灰迎水簸箕內寬七十五丈外寬八十五丈進深五丈灰出水簸箕內寬七十五丈外寬八十五丈進深五丈南北迎水雁翅各長三十丈北出水雁翅長三十丈南出水雁翅長六十丈乾隆三十年建計用銀十八萬六千一百一十二兩有奇

### 茨尾河

縣治西北發源於宛平縣佛兒門溝出房山縣南茨尾村入境至固村石橋南分流一注縣治西北隅遠城週下流趨東南名舊引河經徐家莊會新引河至石羊

## 良鄉縣志

卷一輿地志 山川

六

村東入牯牛河一爲新引河東南流經大道三空橋至劉家莊西與護城河下流合乾隆十年疏濬

### 廣陽河

縣治東北自房山縣北公村入境東南流其下游卽牯牛河也水經注廣陽水出小廣陽西山東流經廣陽縣故城北又東福祿水注焉乾隆十年大學士鄂爾泰奏請疏濬二十八年重濬

### 雅河

縣治北舊名鹽溝河卽水經注福祿水也源出宛平縣之龍門口由房山縣新莊窠村入境東南流經御路大路至水碾屯西又里許經徐家莊東又里許經葫蘆堡西又里許經梨村入牯牛河清同治十年永定河溢此道淤塞水勢南趨經于管營梨村始與牯牛河會十一年知縣高建勳借民力濬之奈岸爲沙淤築隄不能堅工竣後河水冲刷兩岸坍塌溜前功盡棄惜哉又支河一道由米家莊西北分流東行經長陽村順大路旁南下至濟陽橋與正河會

### 牯牛河

縣治東南廣陽之下流境內衆水之所匯也南流經趙家莊老君堂又西南經陶村官莊至涿屬入琉璃河清雍正六年乾隆十年疊經疏濬按漕河圖志及舊志無牯牛河謂廣陽鹽溝俱東入桑乾想自桑乾築隄後滙而南流遂有此名

### 挾活河

挾活河在縣治西南卽古挾河亦名夾河自西來至挾河村過橋下分爲二一東流經周家莊村北又經南洛村南折而北經興禮村西又北流與琉璃河會數十年前尙行此道今則涸矣一北流至琉璃河南門外折而東至村東又折而北與琉璃河會此水現可行船琉璃河村南開有糧棧灰棧煤棧油棧皆借此水利先是村南村東皆有板橋久而殘缺今年村人募款重修橋下皆砌巨石極爲堅固當可垂諸久遠按此水發源有二一出房山中院村以西之山泉東流經孤山口天開等村至南章村東與北支相會一出房山黃山店以西之山泉東流經婁子水瓦井等村至南章村東與南支相會遂合爲一東流經韓村河西東等村

## 良鄉縣志

卷一輿地志 山川

七

則至挾河橋矣此橋爲同治八年兼尹萬青藜發款派員監修以便行旅不意同治十年水勢暴漲橋北決開一河十一年經知縣高建勳十二年經府尹彭祖賢二次重修以期鞏固乃連年河伯爲災橋石又多傾仄光緒十九年清河道又發巨款派員監修橋面又增長閘始便車馬往來

### 減水河

縣治東南清康熙三十七年開自金門閘口起西南流經韓家營入涿州境

### 籬笆房河溝

縣治北發源於房山縣朱家墳東流穿長陽村北長安橋又折而南入雅河計長四里許

### 黃管屯河溝

縣治北發源於房山縣西王佐村經長陽村中安陽橋東會籬笆房河入雅河計長三里許

### 義河

舊志在縣北一十五里昌黎鄉公村里流入廣陽河今涸

南  
北 涉溝

舊志在縣東一曰洹水至涿州北入桃水今俱無存滄桑之變已有年矣

龍泉

舊志在縣治西北十八里有里人郭氏見地浸潤以杖撥之有泉湧出味甘美東流合鹽溝河今涸

風俗

禹貢周職方紀山川土物澤藪民數而不紀風俗謂氣質原於水土人材係於教化先王省方以考之立政以齊之仁鄙勇怯惟其所尚固難以方域區也自前漢地理志多引國風以證習俗讀者議其詳於周而略於漢正謂民氣與時推移一切援古爲斷或失則疎然溯原沿委以考鏡時變以酌劑張弛奚可缺也舊志雜採傳紀皆概統全燕於邑無專紀茲紀焉如左以存風土之略云

良鄉縣志

卷一輿地志 風俗

八

爾雅疏燕其氣深要厥性剽疾

管子燕之水萃下而弱沈滯而褊故其民愚戇而好貞輕疾而易死

漢書地理志其俗愚悍少慮敢於急人燕丹遺風也

隋書地理志自古言勇俠者皆推幽并然涿郡自前代以來多文雅之士

輿地志人性寬舒

韓愈集燕趙古稱多感慨悲歌之士

范鎮幽都賦風俗樸茂

地志水甘土厚人多技藝敦好禮義崇尚廉恥而民易化

方輿勝覽民務農桑士習詩書無強暴相凌之風有寡求不爭之習

冠禮

士大夫家子弟十六父命加冠或岳丈爲壻加冠今禮廢

婚禮

子女及婚期男先求女具啓通書允則下定六禮畢舉田里細民亦有不能全備

者

喪禮

初終詣五道土地等廟焚紙求魂三日始殮訃聞親友問弔受賻初喪之日不飲酒不茹量不取親不作樂葬後持服三年

祭禮

士大夫家有家廟祠堂者祭於廟堂無廟堂者室中設一龕奉神主逢節祭拜朔望焚祝出入祇告四時供鮮生子娶婦諸事必祭之

歲正月元旦

祀神祀先換新衣謁官師拜尊長親識往來交拜候陰晴觀日色以占年歲豐歉預治肴蔬三日內不煮生不煎炒迎喜神貴神立春前一日迎於東郊觀土牛飲春宴結彩演劇與民同樂初七八日携酒登高十五日元宵張燈遊文廟走洋橋食瓜種元宵放花炮弛夜禁十六日携酒餉往燎石岡繞塔俗云走百病十九日燕九節士民郊飲有馬者馳騁爲樂

良鄉縣志

卷一輿地志 風俗

九

二月二日

俗名龍抬頭日農家向井引龍紳士祀文昌帝君作煎餅熏蟲五更時敲房樑避蝎蛇等毒

三月三日

祀真武上帝二十八日祀賽城隍清明日士女頭戴柳枝家家祭掃祖坟

四月八日

浴佛禁屠宰一日

五月五日

泛菖蒲酒懸符艾食角黍用雄黃硃砂塗小兒耳鼻更用五色絨爲續命索繫手足並頸士民或踏青郊外臨流稱觴相娛

六月六日

晒麵作醬晒書畫及皮衣等物三伏日食麪

七月七日

婦女乞巧投針於水借日影以驗工拙至夜仍乞巧於織女中元省墓祀先建醮  
赦孤放河燈

八月十五日

中秋禮月列瓜果棗餅親友互相餽送

九月九日

士民蒸糕移菊相贈登高賦詩

十月一日

焚寒衣祀祖先

十一月

冬至日士大夫相拜與元旦禮同

十二月八日 用各色豆米菓物作粥食之亦有食麵者二十三日晚用糖祀竈卜

吉除夕男婦禮拜尊長用辭舊歲換桃符及門神貼掛錢並春聯迎祖先接竈君

院舍布芝麻稽爆竹送瘟夜則燎木頭於天井雜松柏枝燒蒼朮辟瘟丹農家以

### 良鄉縣志

卷一輿地志 風俗

一

高長草把點炤庭火占歲熟綁千金木以備次早擲祝

### 城池

有土者恃險恃陋其失均也邑附於三輔城塹之設拒鼠竊小腆耳梯衝固非所  
慮也雅有之實墉實壑蓋無廢一邑之備可焉

城

周一千三百丈計六里三分門四東曰迎曦西曰寶成南曰就日北曰拱辰頂寬  
二丈底寬四丈高三丈舊志原係土城高二丈明隆慶中知縣安上達詳請官帑  
治甃易灰高三丈二尺但西門缺甃城垂二十年知縣王道定補之崇正庚午裏  
面土城修補增寬清二百餘年迄未大修城樓皆就傾圮內面亦多坍塌西門迤  
南爲居民使土成坑塹夏間渟潦近蝕城基後屢經出示禁之 光緒庚子八月  
拳匪占據城中聯軍來攻從燎石岡轟以巨礮城遂陷拳匪半遭屠戮良民被害  
者亦多房舍亦燬十之八九城垣遂皆殘破門樓半就傾頽東南隅奎樓尤令人

慘目數年以後城垣雖經修整終不如前日之完好堅固也

池

舊志引房山縣磁家務漫漢水河又引怪陀村龍泉今則漢水不通龍泉已涸以茨尾河爲上流矣四面石橋各一但東北河身久淤民國八年由城鄉捐資疏濬立有碑記

城內

東大街

駐防營街 市口 後衛 守府斜街

西大街

西下坡 牲口市 馬號街 縣署前街 縣署後街 飲馬井 城隍廟街

南大街

史家衚衕 羅府街 天王寺街 倉房衚衕 黃土炕街 雙井 南衚衕

礮盤街 東斜街 官學 南城根

良鄉縣志

卷一輿地志 城池

一一

北大街

陸家衚衕 喬家衚衕 後井 滑車井 眞武廟街 苦水井 中十字口

南十字口 北十字口

城外

東關 甲長一管村莊五  
北關

塔灣村 距城三里 梅家莊 距城三里 後店村 距城三里 西北關 距城三里 魚兒溝 距城五里

西關 甲長一管村莊三

西楊家莊 西太平莊 蘇家莊 俱距城二里

南關 甲長一管村莊六

紙房村 距城一里 東楊家莊 距城二里 徐家莊 距城三里 常家莊 距城三里

前家岡村 距城三里 黑狗臺 距城五里

里屯舊志



邑之里屯原額二十有五按舊志初裁三里繼併二里至清康熙年祇存里屯二十後復增永清興州良牧三屯共爲里屯二十有三同治二年順天府尹札飭所屬舉公正紳耆董率其事以清查保甲誠良法美意本邑近隸京兆地稱首善不得以里屯寥寥而遂湮沒不彰也

美化里八甲 治東一里 厚俗里十甲 治東一里

公村里八甲 治東十里 廣陽里五甲 治東十里

辛莊里十甲 治東十里 丁修里九甲 治東三十里

陶村里九甲 治東二十里 路村里九甲 治南三十里

石羊里七甲 治南十里 北召里十甲 治東二十五里

高舍里十甲 治南十五里 興禮里九甲 治東南三十里

燕谷里十甲 治南四十里 重義里九甲 治西十三里

永豐里九甲 治西五里 永安里十甲 治西十一里

安化屯五甲 治西十五里 福善屯五甲 治西十二里

### 良鄉縣志

#### 卷一輿地志 里屯

一一

永清屯五甲 治南十里 興州屯五甲 治南二十五里

豐足屯六甲 治東一里 鼓腹屯九甲 治東一里

良牧屯一甲 治東一里

#### 初裁三里

美化坊 邑西里 邑南里

#### 繼併二里

巨富屯 治南十里併入燕谷里 普安屯 治南十八里併入厚俗里

### 村莊

#### 治東兼東南

魯村 距城六里

梨村 距城八里

葫蘆堡 距城十二里

小營村 距城八里

水滄屯 距城八里

魚管營 距城六里代管村甲

劉家莊 距城十里後石  
 侯家莊 距城十五里西  
 趙家莊 距城十六里東  
 陳家柳子 距城十八里張  
 任家營 距城二十里  
 陶村 距城三十里  
 賈河村 距城三十里  
 辛立莊 距城三十里  
 保安莊 距城三十五里  
 韓家營 距城三十五里  
 丁村 距城四十里  
 蕭家莊  
 後石羊 距城十二里  
 西石羊 距城十二里  
 東石羊 距城十三里  
 張謝村 距城十五里  
 下禪坊 距城十五里  
 老君堂 距城二十五里  
 窟上村 距城三十里  
 鮑家莊 距城三十里  
 北章客 距城三十里  
 南章客 距城三十里  
 錢管營 距城三十五里  
 富家莊

治西兼西南

良鄉縣志

卷一輿地志

村莊

元武屯 閻村  
 固村 以上距城五里  
 南梨園 邢家塢  
 大紫草塢 劉丈村  
 分水嶺 以上距城八里  
 大十三里 距城八里  
 小紫草塢 張家莊  
 吳家莊 以上距城十二里  
 後十三里 距城十三里  
 小十三里 小董村  
 小高舍 江村  
 大高舍 以上距城十五里  
 交道村  
 六股道 以上距城十八里  
 七里店  
 望楚村 以上距城二十里  
 馬家莊 望楚甲長代管  
 普安屯 以上距城二十二里  
 丁各莊

寶店鎮 以上距城二十五里

白草窪 距城二十七里寶店代管

治南

興隆莊 距城二十里

務子村

莊頭村

劉平莊

袁家莊

北召村 以上距城二十五里  
袁莊甲長代管

立教村

南召村

太平莊

常舍村

石村

東南呂

西南呂

南白村 以上距城三十里

保興莊

官莊

琉璃店

北白村

興禮村

薛家莊

章村 以上距城三十五里

祖村

良鄉縣志

卷一輿地志 村莊

一四

琉璃河鎮 以上距城四十里

平各莊 距城四十二里

路村 距城三十五里

北洛村

南洛村 距城四十三里

福興村

羊合莊

小務村 以上距城四十五里

治北兼東北西北

黃辛莊 距城二里

占家莊

大馬村

安家莊

楊家井

五里店 以上距城五里

小馬村

鐵匠營

長羊村

廣陽城 長羊甲長代管

籬笆房 長羊甲長代管

雅河 長羊甲長代管

南上岡

劉家莊

賀照雲

苑村 以上距城八里

黃管屯

王家莊

盧尙書墳

廟兒岡

米良屯 以上距城十二里

莊窠村

怪坨村 以上距城十五里

豆各莊 距城十六里

小苑上

南坊村 以上距城十八里

果各莊 距城十二里

崇各莊 距城十五里

官地村 距城二十里

以上俱如舊志所載茲將民國四年劃分自治區域附列於後

第一中區

本城 南關 東關 常莊 塔窪村 前崗村 東羊莊 梅花莊 後店

吳店 魚兒溝 紙房村 徐莊 黑狗臺 西北關 蘇莊 下莊 西太平

莊

第二東一區

良鄉縣志

卷一輿地志 八區

一五

務子村 西地 西石羊 東石羊 後石羊 侯家莊 于管營 趙莊

小營村 劉家莊 陳家房 前柳子 興隆莊 辛莊戶 兩間房 官道

葫蘆堡 下禪坊 張謝村 魯村 北柳子 梨村 許莊子 西場村

第三東二區

蕭家場 窩上村 萬里村 賈河村 辛立莊 韓家營 四間房 前管營

保安莊 南章客 北章客 丁村 官莊 鮑莊 陶村 任營 河

口 八間房

第四西一區

交道村 六股道 普安屯 袁莊 富莊 蕭莊 江村 大高舍 小高舍

劉丈 劉平莊 邢家塢

第五西二區

竇店鎮 白草窪 馬莊 大十三里 小十三里 望處 後十三里

七里店 丁各莊 南梨園 馬家溝 分水嶺

第六南一區

琉璃河 琉璃店 南洛村 北洛村 平各莊 羊合莊 小塢村 福興村  
章村 祖村 興禮村

第七南二區

石村 路村 太平莊 薛家莊 常舍村 南白 北白 保興莊 南召村  
東南呂 西南呂 立教村 莊頭村 黃土坡 等駕林

第八北區

安家莊 占家莊 固村 前後閭村 賀照雲 黃管屯 啞叭河 廣陽城  
廟兒岡 怪坨村 辛家莊 米良屯 王家莊 長羊村 鐵匠營 果各莊  
莊戶村 豆各莊 崇各莊 官地村 苑村 盧尚書墳 吳家莊 南坊村  
大馬村 南上岡 黃辛莊 小董村 東閭村 炒米店 元武屯 大小紫  
草塢 籬笆房 水碾屯 大西莊 苑上村 張家莊

古蹟

良鄉縣志

卷一輿地志 古蹟

一六

燕薊古都會也邑為走集首區是宜不朽之蹟多足記者而遠考載藉邇詢獻民  
觀記闕焉少所稱述亦獨何與夫以酈元之窮博絕麗探蹟索幽衡宇梓枌密邇  
相望而傳註俱在採緝寥寥良可慨矣抑豈俗尚樸儉好事者寡雖有柁戈汲簡  
亦蔓草同其榮落皆未可知也舊志書跡間多訛略用仍其故以尙闕文可爾

廣陽故城

在良鄉縣東北八里漢舊縣後漢為侯邑耿弇追賊於小廣陽即此

陽鄉城

在縣南二十五里舊店西一里許舊傳竇建德築考唐史高祖武德元年為夏王  
竇建德五鳳元年戊寅長樂王建德定都樂壽今河間府獻縣初隋河間郡丞王琮守城  
建德攻之不下琮聞煬帝凶問帥吏民發喪建德遣使弔之琮乃降言及隋亡俯  
伏流涕建德亦為之泣諸將請烹之建德曰琮忠臣也吾方賞之以勸事君奈何  
殺之先是建德陷景城將殺戶曹張元素縣民請代其死曰戶曹清慎無比殺之  
何以勸善乃釋之冬夏王建德取深冀易定等州時有大鳥五集於樂壽羣鳥數

萬從之又有得元圭以獻者建德羣臣曰此天之所以錫大禹也乃改國號夏斯城或此時所建歟 按畿輔志沿革表良鄉自漢爲廣陽至晉仍爲廣陽並未改爲良鄉至北齊改入薊縣西境至五代唐始改爲良鄉漢會置陰鄉縣卽今之宛平也自漢至明並無陽鄉之名此志前說陽鄉爲竇建德所築後說爲漢舊縣皆與沿革表不同當別有所據

#### 清代行宮

在縣治北黃辛莊村西南距城二里許乾隆十三年建爲謁陵駐蹕之地前面東西朝房圍牆四隅更房各一宮門迤東爲值房又東爲膳房西如之進宮門十字甬路左右爲東西阿哥所中爲垂花門內正殿五楹後爲皇后宮又後爲照殿四面皆迴廊循廊右行爲西書房後爲太后宮循廊左行爲東書房後爲春麗齋齋後假山屏列松柏數株皆百餘年物也正殿匾曰香清繡野聯曰遠近咸安耕鑿樂春秋時動露霜情其他宸翰載藝文志

#### 郊勞臺

### 良鄉縣志

卷一輿地志 古蹟

一七

在縣治南里許清乾隆二十五年高宗純皇帝郊勞征西將軍兆惠四十一年大將軍阿桂等平定兩金川凱旋行郊勞禮富德建今廢祇存御製碑亭一座

#### 五古城

按舊志在邑東三里許燎石枝岡上五城分列各去里許墻高二丈厚可三丈圓如規畫各圓二里今則遺址僅存而城復於隍矣

#### 固節驛

公署東偏爲固節驛舊址金世宗昭德皇后盡節處也

#### 多寶佛塔

隋建在燎石岡上五級玲瓏高十五丈圍十五丈四面門二十座階級環上北望都城南眺涿鹿舉在目前唐尉遲公敬德重修俗名昊天塔

#### 樂毅墓

詳見丘壟

#### 觀蓮池

在邑南三十五里立教村西卽琉璃河下流分出也金狀元梁斗南種蓮於此廣六頃今淤平成陸

### 黑狗臺

在縣南五里許相傳金時里人王恭犬甚馴出必以隨一日恭醉臥道傍草中有野火延燒犬身蘸鹽溝河水以濡其草恭寤見草盡濕始知火滅由於犬而犬以力竭斃矣遂負歸築臺葬之故名

### 義井

在舊店東前明義士楊瑄捐資穿井水甘而不竭居民賴之故稱爲義井

### 穿心碑

寶店東後溝三義廟地基高聳上有穿心碑文字磨滅其存者止有穿心二字人皆稱爲穿心碑云旁有古槐一株甚高大夏日人每避暑於此煩熱爲之頓消

### 古槐

等駕林村北普會寺明成化年重修內有古槐一株樹穴洞穿如門

## 良鄉縣志

卷一輿地志 古蹟

一八

### 銅鐘

寶店關岳廟有銅鐘一口自北京給孤寺移來高五尺餘周圍鑄成金剛般若波羅密經

又清涼寺東嶽殿前石幢高丈餘八角形上刻佛像二百四十尊俗名曰千佛塔正書清寧三年二月按清寧係遼道宗紀元年號

### 鐵路

自古左馮翊右扶風界中稱難治我良爲京西首站昔年使節之往來供億之煩瑣嘗視他縣爲劇自鐵路告成交通便利而我良車馬之差徭亦遂爲之輕減甚矣哉路政之不可不講也

### 良鄉縣京漢幹路

車站距長辛店二十五里有多寶塔爲之標由此站南三里分支有它里枝路三十四里接高線路運煤

竇店京漢幹路

車站距縣治二十里

琉璃河京漢幹路

車站距縣治四十里有鐵橋二百四十公尺合華尺七十五丈由此站分支至周店三十五里每年運煤約一萬三千五百車石灰約四千二百餘車

### 城鎮商市

古者技不工於鬻則俗尚儉矣業不淫於末則本務急矣且省方問俗命市納價以觀民之所好惡崇本抑末有由然矣今日世界競爭商權爲重良雖彈丸小邑而商業之廢興亦足驗政治之得失牽車服賈何得視爲末圖哉

商會

良鄉縣城內商會民國元年成立

正會長一人

### 良鄉縣志

卷一輿地志 鐵路 市集

一九

副會長一人

會員十人

琉璃河商會民國二年成立

正會長一人

副會長一人

會員十六人

竇店鎮商會民國二年成立

正會長一人

副會長一人

會員四人

集期

城內 逢月之一六三八日 竇店鎮 逢月之五日十日

琉璃河 逢月之二七四九日 交道逢月之一四六九日



全境商業調查表 民國十二年

					琉璃河							良鄉縣志												縣城內
木廠	藥商	油商	布商	糧商		當舖	染布商	妝奩商	茶商	酒商	首飾商	卷一輿地志	洋廣貨商	布商	鹽商	藥材商	皮繩商	蓆繩商	麵粉油商	雜貨行	醬園	糧商	營業種類	
五家	六家	五家	八家	十八家		一家	二家	一家	一家	二家	三家	市集	二家	七家	一家	七家	二家	四家	十家	四家	二家	十五家	戶數	
												二												

良鄉縣志

寶店鎮

卷一輿地志 市集

二二

											寶店鎮	良鄉縣志											
洋廣貨商	布店	鹽店	藥商	皮繩商	蘆席繩商	麩粉油商	雜貨商	醬園	糧商		茶葉行	鹽店	燒鍋	過貨棧	蓆繩行	雜貨行	染行	磁器行	煤油行	首飾行	煤商	鐵商	石廠
二家	二家	一家	四家	三家	二家	五家	三家	二家	四家		一家	一家	四家	二家	六家	三家	二家	一家	三家	十六家	二家	三家	

良鄉縣志

卷一輿地志  
市集

三三

染行	石板工商	妝奩行	油酒麪商	首飾商
二家	一家	三家	三家	四家

